

清涼國師華嚴疏鈔

地

C40
4514
(2)

• C40-6514

了翁座請大嚴及有
家書置之武州紫雲山
我後漢壽院直府中永
為學者不敢許出院內
當山二七集字樣謹誌



B 64853

大方廣佛華嚴經疏演義鈔卷第二

清涼山大華嚴寺沙門澄觀撰述

歸命十方極三際塵刹圓明調御師法界功德大悲
雲毘盧遮那大智海所任甚深真法性所流圓滿修
多羅一一塵方佛會中普賢文殊諸大士我今欲以
一毛智測量無邊法界空願承三寶同體慈句句冥
符諸佛意俾令法眼常無缺盡衆生界如普賢廻茲
勝善洽羣生速證菩提常樂果

自下第二歸敬三寶請威加護有十六句大分爲
三 初有八句正歸敬三寶 次有六句請威加

護 後有二句廻施衆生。初中初句總明餘皆
別顯。今初歸命二字顯能歸相。三業普周歸向
依托無盡三寶。但云命者。以人所寶重。莫過身命。
今將仰投十方以下。所歸分齊。十方橫徧。三際豎
窮極通橫豎。○塵刹圓明下。就別顯中。三寶卽爲
三別。初三句歸佛。次二句歸法。後二句歸僧。初中
又二。二句總歸諸佛。一句別歸本師。初中塵刹有
二義。一。所依處。謂一一塵中諸刹土。故佛所嚴刹
等塵數故。又塵約微細。利通麤細。二。卽塵數如來
圓謂圓寂。明謂智明。卽菩提涅槃。亦無德不圓。無

法不照故。上二字自利。調御師者。通利自他。十號
之一。法界亦二義。一。成上依處。上云塵刹似當約
事。今云法界。義兼事理。佛身充滿於法界故。又充
滿法界無窮盡故。二者該後稱法界之功德。大悲
雲故功德者。亦圓明中別義。卽十力無畏十八不
共百四十四種無盡之德。大悲普覆。無心含潤。故
喻於雲。毘盧一句。別歸本師。承恩重故。四字標名。
三字讚德。上云功德總該無盡。今云大智。別語最
勝。順於光明徧照義故。大智深廣。故喻於海。又諸
佛舉悲。本師語智。影畧以明。悲智深廣。深故。悲亦稱

撰述
海大悲深廣故智亦如雲含潤雨法故又前云功德此云大智成二嚴故無盡功德不出二故○二所住下二句歸法言所住者躡前起後所以躡者顯同體故但歸別相不會理故然三寶有三一同相二別相三住持相今通依之初同相者此有三義一約以事就義門則別相之上各有三寶佛體之上有覺照義名爲佛寶軌持義邊名爲法寶違諍過盡是名僧寶卽以無漏界功德爲體二法上三者法有性覺卽是佛寶軌持卽是法寶法體無違卽是僧寶三僧上三者觀智爲佛寶軌持爲法

寶在衆無違無違衆生故名爲僧寶今舉佛所住以明法者卽約佛上論同體也理是佛所住教佛所流兩重相依二約會事從理門三寶皆依真故今舉佛法皆歸真性畧不言僧三約理義融現門心性本覺卽是佛寶恒沙性德皆可軌持卽是法寶此恒沙德性相不二和合名僧寶由此一門故令如來住真法性若無此者何所住耶三門雖異並稱同體淨名云佛卽是法法卽是衆是三寶皆無爲相與虛空等是故若就覺義並稱佛寶軌持而言無非法寶冥符和合莫不皆僧義說有三不

撰述
華嚴玄旨卷一
三
可爲一。然無別體。豈爲異耶。故云同相。二。別相者。卽如前科。佛則橫該一切。豎徹十身。法則通四。畧舉理教。法性是理。修多羅是教。僧雖該攝。偏語大乘。三。住持相者。十身之中。有力持身。及形像等。卽住持佛。其修多羅。卽住持法。住持之僧。含菩薩中。然三三寶。通於諸乘。含有勝劣。以義料揀。歸勝非劣。一。理統之。三三無異。故並歸敬。顯敬無遺。○二。一。一塵方下二句。歸僧。初句明處。一一微塵中。有一切諸佛菩薩衆圍遶故。况一一佛所難思。普賢住普賢位。莫不皆爾。下句舉人。偏舉二者。以是海

會之上首故。表理智故。諸言不一。則無所不該。○第二。我今下。請威加護。六句分三。初二句。請歸之意。意欲釋經故。然通顯歸意。乃有衆多。總相言者。三寶吉祥。一切衆生。最勝良緣。有歸依者。能辦大事。生諸善根。離生死苦。得涅槃樂故。又一切經初。有六成就。令物信故。佛滅度後。凡諸弟子。所有著述。皆歸三寶。示學有宗。不自專已。離過失。故請威加護。令契合故。上句自謙智劣。等彼一毛。下句讚法廣深。同真法界。一毛度空。乍可知量。凡智測法。何能盡窮。○次願承下二句。願加護相。上句明加

撰述
華嚴經疏卷二
下句辨益。今初。未能深入三昧。外感佛加。但請同體之慈。希霑勝益。下句益中。句句冥符。願始未無違。而言冥者。亦謙詞也。未得顯加。且希冥契。使凡心凡筆。暗合聖心。○三俾令下二句。著述所爲。使令法眼圓滿。化盡含生。故賢首品云。彼諸大士。威神力。法眼常全。無缺減也。第九廻向。不願成佛。唯願等於普賢者。良以普賢該因徹果。佛前佛後。皆悉有故。普賢卽是諸佛根本。故法界體故。故金剛頂經。十方諸佛禮普賢者。亦斯義矣。然著述所爲。但願大法弘通。衆生利樂。卽悲智大意。曲論別爲。

乃有多緣。以斯經乃諸佛所證根本法輪。諸教標準。此方西域。無不仰遵。而聖后所翻。文詞富博。賢首將解。大願不終。方至第十九經。奄歸寂滅。苑公言續而前疏。亦刊筆格。文詞不繼。先古致令後學。輕夫大經。使遮那心源。道流莫挹。普賢行海。後進望涯。將欲弘揚。遂發慨然之歎。若有過不說。是非混同。豈唯掩傳者之明實。乃壅學者之路。若指其瑕類。出彼乖差。豈唯益是非之情實。乃黷心智之境。故撫心五頂。仰託三尊。不獲已而爲也。以斯別意畧有十焉。一。聖旨深遠故。二。顯示心觀故。三。扶

撰述 華嚴玄論卷二 五
昔大義故四剪截浮詞故五善自他宗故六辨析
今古故七明示法相故八廣演玄言故九泯絕是
非故十均融始末故初一爲總後九爲別意指昔
瑕然疏中欲掩是非傳者須知得失諸徒誠請難
以違之長時弘宣不繁數述恐迷宗滯迹競作是
非耳第一聖旨深遠者此是總意謂佛法冲深隨
人智慧有淺深故斯亦爲遮外難恐有難言世路
以多岐亡羊學者以多途喪真根源莫二枝派轉
多舊疏新章益汨真性何以屋上架屋牀上安牀
昔已有之何要改作故下十意皆通此疑今之初

意正荅斯難特由聖旨深遠隨見不同各呈其能
以光法施昔可尚也安更有詞故五百比丘各說
身因佛許無非正說三十二菩薩共談不二異見
同歸下經之中無邊海會各入解脫之門境界萬
差同趣如來智海故海慧菩薩云如來境界無有
邊各隨解脫能觀見是以西域東夏釋論釋經經
有多家論文論有多師解釋如析金杖金體不殊
總收百川溟渤彌大故或登地菩薩或加行賢人
或當代時英或如來懸記皆思拔羣伍智出衆情
而所見不同並傳於世各申其美共讚大猷依之

撰述
華嚴玄旨卷二
修行無不獲益。今亦仰攀勝德。用盡專精。以管窺
水滴。流足海復何恠焉。第二顯示心觀者。以經雖
通詮三學。正詮於定。皆是如來定心所演。故經云。
汝所說者。文語非義。我所說者。義語非文。况華嚴
性海。不離覺場。說佛所證。海印三昧。親所發揮。諸
大菩薩。定心所受。昔人不叅善友。但尚尋文不貴
宗通。唯攻言說。不能以聖教爲明鏡。照見自心。不
能以自心爲智燈。照經幽旨。玄言理說。並謂雷同。
虛已求宗。名爲臆斷。不知萬行。冷了自心。一生驅
驅。但數他寶。或年事衰邁。方欲廢教求禪。豈唯抑

乎佛心。亦實翻誤後學。今皆反此。故製茲疏。使造
解成。觀卽事卽行。口談其言。心詣其理。用以心傳
心之旨。開示佛所證之門。陶南北二宗之禪門。撮
台衡三觀之玄趣。使教合亡言之旨。心同諸佛之
心。無違教理之規。暗蹈忘心之域。不假更看他面。
謂別有忘機之門。使彰乎大理之言。疏文懸解。更
無所隱難。可具陳。第三扶昔大義者。謂晉譯微言。
幽旨包博。玄義全盛。賢首方周。故講得五雲凝空。
六種震地。而刊定記主。師承在茲。雖入先生之門。
不曉亡羊之路。徒過善友之舍。猶迷衣內之珠。故

大義屢乖。微言將隱。破五教而立四教。雜以邪宗。使權實不分。漸頓安辨。析十玄之妙旨。分成兩重。徒益繁多。別無異轍。使德相而無相入。相作卽用之體。不成德相。不通染門。交轍之旨。寧就出玄門之所以。但就如明。却令相用二門。無由成異。以緣起相由之玄旨。同理性融通之一門。遂令法界大緣起之法門。一多交轍。而微隱如斯等類。其途實繁。非是重古輕今。不欲欺誣亡歿。今申上古之義。新疏翻多。有同刊定之文。皆是古義。今同用耳。第四剪截浮詞者。且文華尚猶翳理。繁言豈不亂心。

科文過碎。已雜塵飛。重疊經句。但盈紙墨。等閒會於梵語。無益經文。次第數於經文。更無理觀。如煙鬱於火。雲翳長空。今並裁而削之。若長風捲霧。然經多十句。若過半已上。難者則具釋之。難則曲盡而非繁。易則畧陳而不闕。若五六句已下。難者則摘句而釋之。易則不釋。若文義全易者。大科而已。若文易意難者。總相收束。文難意易者。但細消文。若文義俱難者。出意而後釋。使質而不野。簡而必請。是本心也。第五善自他宗者。謂昔人所引經論。及破他義。無問性相。多不窮始末。輒引輒破。或多

用法相而復盡呼爲權。引權釋實。又不分通局。疑誤後學。或以昔正爲非。或復以權爲實。今亦反此。若破若引。先示彼宗。使性相無虧。盡其意態。後申此理。對決分明。使學者不滯迹迷宗。謬非古義。亦無勞周覽。更復旁求。第六辨析今古者。謂探玄本記。但釋晉經。大旨雖同。在言有異。但引彼疏。須觀所釋。如發心品。晉經云。以是發心。卽得佛故。唐經云。以是發心。當得佛故。卽當旣別。豈得引昔之卽釋。今之當。觸類皆爾。然昔人十行已前。多依賢首。新修畧疏。廻向已下。並用探玄。三地已下。多唯錄

古。二經小異。舛互相參。文亦非一。第七。明示法相者。然性之與相。若天之日月。易之乾坤。東夏西方。分宗開教。學兼兩轍。方曰通人。是以釋經。事須明示。然此經法相。名義兼廣。或有名無義。或有義無名。昔人苟見一名。廣引論釋。隨名解義。義乃無窮。如釋淨行品百四十一願。以諸門料揀。釋梵行品四果。廣引婆沙。問明品貪瞋之名。全抄唯識。十行品三倒。廣據諸宗。雖則皆是法門。而甚深觀行。翳於名相。今皆畧陳而已。古人若有義無名。則莫知所以。今則引諸經論。以名管之。使經中法相。昭彰

於衆論。至如昇兜率品。二十一種功德。則有義無名。離世間品。初則有名無義。今於兜率品。廣引經論而委釋之。至離世間品。畧陳而已。又如離世間品。具舍諸位。一一位內。攝義無遺。或名異義同。或前後廣畧。然於四十二位。次第無差。今並具引六會經文。對而釋之。昭然可見。使七卷之經。句句有據。翻驗昔解。臆說尤多。然性相二宗。法相有同有異。如五眼十眼。六通十通等。並各示之。使無餘惑。如初卷歎德。釋以十身。則法性宗之法相也。釋智入三世。廣引四智。卽法相宗之法相也。以衆海解

脫之門。釋衆海之名。則法性宗之法相也。以九門之六度。釋經十度。卽法相宗之法相也。如十通十忍。會六通於五忍。十身十智。融三身於三智。十門涅槃。以會通四種涅槃。十種佛智。而一智融於四智。卽性相二宗無違之法相也。觸類非一。又諸經疏所明法相。多是傍來。如法華經。但云。如來知見。力無所畏。禪定解脫。三昧深入。無所畏字。立四無畏。智深遠。逢一力字。立十力章。無所畏字。立四無畏章。禪立四禪。定立八定。解脫三昧。各立章門。若此之流。千章萬章。釋一卷經。亦不得盡。若爲成種智

撰述
華嚴玄談卷二
之境應須更學多聞。若取法華玄宗。但示等有知見。先所出內。是子所知。非是十章五章。能盡其妙。若華嚴經。有異於此。如十度十力。一經數十處明。故須總撮一章。頓曉其旨。如十地品內。以法相爲觀門。不了三聚。豈知離垢之名。不曉八禪。寧知發光之行。四地道品。成無生之慧光。五地諸諦。窮真俗以化物。六地般若。要觀緣生。星羅十門。月滿三觀。研窮性相。般若現前。非是懸指昔三。中乘所見。七地第一切菩提分法。權實雙行。八地七勸該羅。方見無功之道。九地居法師之位。藥病須知。不將

四十辯才。何以廣能化物。得第十地。方盡種智之深玄。四十二位之昭彰。並稱觀行。九會五周之因果。佛道方圓。故若相若性。若因若果。無不成觀。無不契真。依經修行。並是聖意。若不了法相。豈唯不知聖旨。亦非弘闡。尋文自知。第八廣演玄言者。謂經多有玄言妙旨。昔不廣明。或指在別章。或畧陳不具。今應具者。畢在疏文。文易意深。廣申體勢。如始成正覺。以諸宗始成。以會之。智入三世。以二智三智四智而釋之。如幻喻中。具引兔章以盡之。如影之喻。分三影以別之。第七廻向。利平等。等。出諸

句以揀之第八迴向。歷境起願。以橫豎位次而彰之。三天偈讚。離相迴向。以般若等深經。中百等論。玄妙而通之。九會五周。皆以性相而廣之。普賢三昧。窮妙中之妙。出現一品。盡玄中之玄。至如法界華藏之深觀。指歸關脉之妙章。盡關鍵之幽微。窮義理之分齊。如關中繫表。三玄格言。有美斯經。必盡其奧。亦有指別章者。皆非正要。知與不知。無乖弘讚耳。第九泯絕是非者。昔人勝負氣高。是非情厚。上古妙義。用而不言。先賢小瑕。廣申破斥。如破娑婆。形如虛空。便云。良由譯人不閑經論。謬預譯

場。誤累聖教。一朝至此。先師在其譯內。斧鑿太深。纖芥在於珠中。何須擊破。又如十行品。釋不住中流。廣申異釋。晉經失旨。致古釋詞枝。今文分明。何須斂昔。若斯之類。其事頗多。終日是非。豈合大道。凡破義者。其猶毒蛇螫手。不得不斬。毒樹生庭。不得不伐。若邪解亂轍。事須決之。若易知其非。畧而不述。若似正不正。則並決使明。如欲識真金。須知鑰石。蓋不獲已。情忘是非。設有破斥。須存禮樂。不得自尊。已德下視。先賢須知草莽者。難因修者。易縱有舉。非顯是。不是。自銜自媒。故今疏文。是非全

少第十均融始末者。然造疏大體皆初重後輕。若更廣開門庭消文疎畧。至於弘闡聖旨多沉。今以大經九會始末深玄。逢義卽明。不揀初後。但初已釋後不重明。故義科章門落落星布。使初中後善始末可觀也。畧述製疏有斯十意。故忘軀靈境。仰述玄猷。本意皆爲衆生。得同普賢諸佛耳。○廻茲勝善下二句。第三廻施衆生者。前之二句作疏所爲。爲於衆生。此段通廻歸依之益。及所成德。製疏之功。儻一句冥合聖心。盡爲衆生。得大覺圓明。涅槃常樂耳。

將釋經義總啓十門。一教起因緣。二藏教所攝。三義理分齊。四教所被機。五教體淺深。六宗趣通局。七部類品會。八傳譯感通。九總釋經題。十別解文義。

將釋已下。第三開章釋文。十門之內。前八義門。後二正釋。以經題目卽是文故。亦可九皆義門。題目通一部故。十門生起者。夫聖人言不虛發。動必有由。非大因緣莫宣斯典。故受之以教起。因緣二者。因緣旣興。有所起教。佛教雖廣。不出三藏十二分教。未委此經三藏教等。何藏教攝。故舉藏教之總。含攝華嚴之別教。故受之以藏教所攝。三已知此

撰述
華嚴經疏卷二
經修多羅攝。具十二分。然其藏教。皆通權實。揀權取實。唯圓教收。未知圓義深淺寬狹。故受之以義理分齊。四。既知圓義。包博冲深。未審此深被何根器。故受之以教所被機。五。既知深義。正被圓機。未知其詮何爲體性。故受之以教體淺深。六。能所文義。已知該羅。未審所宗。尊崇何義。故受之以宗趣通局。七。既知旨趣冲深。未委能詮。文言廣狹。故受之以部類品會。八。既知部類。廣則無盡。畧乃百千。未知傳譯何年。有何感應。使宗承有緒。知勝益可歸。故受之以傳譯感通。九。大旨既陳。隨文解釋。先

明總目。包盡難思。故受之以總釋經題。十。總意雖知。在文難曉。使沉隱之義。彰乎翰墨。宗通之理。見乎百千。故受之以別解文義。

初因緣者。夫聖人設教。必有由致。若須彌巨海。大因方爲搖動。今搖如來融金之德。山動深廣之智。海非小緣矣。故下經云。非以一緣。非以一事。如來出現而得成就。出現本爲大華嚴故。

初因緣者下。疏文有二。一。生起大意。二。先因下。開章別釋。前中有三。一。正釋。二。引證。

三。解妨。

初中又三。初法。次若須彌下喻。後今搖如
來下合。如來合山。智慧合海。此文意出智論。今轉
勢用之。智論中問曰。佛以何因緣故。說般若波羅
蜜經。諸佛不以無事。及小事小因緣而自發言。譬
如須彌山王。不以無事。及小事小因緣故動。今以
何等。大因緣故。說般若波羅蜜經。此中論意。卽以
說般若爲動須彌。今開須彌約能說人。智海通能
所說。動能說之佛智。說如來之智海。並卽不共般
若。又於經中。廣說佛身。及與佛智。故佛及智。並通
所說。故下經下。引證也。出現本爲下。三解

妨也。有伏難云。非一緣等。乃明出現之緣。今證說
經。豈爲愜當。故今通云。出現本爲一大事因緣。一
大事因緣。卽華嚴佛智。明知出現之緣。卽華嚴緣
也。

先因後緣。各開十義。以顯無盡。

先因後緣。各開十義者。此下第二開章別釋。於中

三。謂標。釋。結。標可知。

因十義者。一。法應爾故。二。酬宿因故。三。順機感故。四。
爲教本故。五。顯果德故。六。彰地位故。七。說勝行故。八。
示眞法故。九。開因性故。十。利今後故。

因十義下。雙釋。先。因中三。初列。次釋。後。因上十義下。結屬會釋。

言法爾者。夫王道坦坦。千古同規。一乘玄門。諸佛齊證。故一切佛法爾。皆於無盡世界。常轉如是無盡法輪。令諸衆生。返本還源。窮未來際。無有休息。

言法爾者下。釋也。卽爲十段。今初法爾。疏文分四。一。正釋。二。引證。三。結釋。四。解妨。初

文可知。

故不思議品中。明一切諸佛。能於一身。化現不可說不可說佛刹微塵數頭。一一頭。化爾所舌。一一舌。出

爾所音聲。乃至文字句義。一。一充滿一切法界。無有窮盡。

故不思議下。引證。此卽第四十七經。第五大那羅延幢勇健法云。佛子。一切諸佛。能於一身等。乃至已下。中間應云。法界衆生。靡不皆聞。一。一音聲。演不可說不可說佛刹微塵數修多羅藏。一。一修多羅藏。演不可說不可說佛刹微塵數法。一。一法。有不可說不可說佛刹微塵數文字句義。如是演說盡不可說不可說佛刹微塵數劫。盡是劫已。復更演說盡不可說不可說佛刹微塵數劫。如是次第。

撰述
華嚴玄談卷二
地
乃至盡於一切世界微塵數盡一切衆生心念數
未來際劫猶可窮盡如來化身所轉法輪無有窮
盡所謂智慧演說法輪斷諸疑惑法輪照一切法
法輪開無碍藏法輪令無量衆生歡喜調伏法輪
開示一切諸菩薩行法輪高昇圓滿大智慧日法
輪普然照世智慧明燈法輪辯才無畏種種莊嚴
法輪如一佛身以神通力轉如是等差別法輪一
切世法無能爲喻如是盡虛空界一一毛端分量
之處有不可說不可說佛刹微塵數世界一一世
界中念念現不可說不可說佛刹微塵數化身一

一化身皆亦如是所說音聲文字句義一一充滿
一切法界其中衆生皆得解了而佛言音無變無
斷無有窮盡是爲諸佛第五大那羅延幢勇健法
今疏畧引耳

斯則處以毛端橫該法界時以刹那豎窮劫海處則
頓起時則常起不待別因

斯則下三結釋也結釋經文成初正說於中初四
句正結後處則下覆釋法界齊起爲頓如月入百
川非從東向西等故長時不斷曰常無暫間斷故
既常既遍故不待別因也

但隨見聞說有初成九會之別。諸慈悲者於無盡中畧此流傳。

但隨見聞下。四解妨。爲有伏難云。既橫豎該羅。說窮時處。何有初成之始。九會之終。故爲此通於中。二 先正解妨可知。

今尋於此。見無邊法。如觀牖隙。見無際空。而此時處。卽同無盡。以一處卽一切處。一時卽一切時故。

今尋於此下。重通再難。難云。畧本至少。安窮無盡之理。故爲此通。以見理圓融。故見少能窮無盡有法。喻。合。此二句法。如觀下二句。喻。而。

此時處下二句。正法合。○以一處下釋成上義時處。既一多相卽。法豈一不含有。

二。酬宿因者。

二。酬宿因等者。疏文分五。一。標舉章門。

何以法爾如是轉耶。宿因深故。

二。何以以下。躡前起後。

夫根深則果茂。源遠則流長。宿因既深。教起亦大。

三。夫根深下。標因深廣。

深大云何。我佛世尊。創躡玄蹤。棲神妙寂。悲智雙運。行願齊周。是以妄想弗剪。而廓徹性空。靈鑑匪磨。而。

頓朗萬法乃以無障礙解脫闡斯妙門。

四。深大云何下。釋成深廣。

宿因雖多。畧有二種。

五。宿因雖多下。開章別釋。於中。先標章。

一者大願力故。現相品云。毘盧遮那佛。願力周法界。一切國土中。恒轉無上輪。兜率偈云。如來不出世。亦無有涅槃。以本大願力。示現自在法。諸會佛加。皆言願力。及餘諸文。誠證非一。

二者昔行力故。謂無量劫依願起行。行成得果。方能頓演故。王山神偈曰。往修勝行無有邊。今獲神通亦

無量。法門廣闡如塵數。悉使衆生深悟喜。

後別釋可知。

三。順機感者。

三。順機感者。文中分六。一。標章。

謂昔因法爾。雖能常徧。約可流傳。皆由機感。離機說法。無所用故。

二。躡前起後。

其猶上有白日。下資澄潭。潭清影現。機感應生。

三。其猶下。約喻顯相。

故兜率偈云。見佛亦復然。必假衆善業。十方諸佛告。

撰述
功德林言。及諸菩薩衆善根力故。解脫月云。此衆無諸垢。志解悉明。潔等。皆是機感。

四故兜率下。引經證成。

廣顯機感。如第四教所被機中說。

五廣顯下。指畧在廣。

然此機感。通於現未。諸會當機。卽是現在。今之聞者。是未來機。

六然此下。揀定於機。言今之聞者。是未來機者。望說經時。是未來故。故發心品中。十方方法。慧白佛言。我等悉當護持此法。令未來世。一切菩薩。未曾聞

者。皆悉得聞。亦是未來機也。

四爲教本者。

四爲教本者。文三。初標章。次總彰大意。三。

然亦有二下。開章別釋。初標可知。

謂非海無以潛流。非本無以垂末。

大意中。初二句立理。故出現品云。譬如大海。潛流四天下地。有穿鑿者。無不得水。彼喻佛智。普入衆生身心。今借用之。斯卽喻也。非本無以垂末者。法說如無海本。不能流末。無其本月。無影入於百川。無有法身。豈能垂於應化。故無有根本之法。何

有隨宜之談。

將欲逐機漸施末教。先示本法。頓演此經。

後將欲下兩句。正釋爲本之義。故天台指爲乳教。乳是酪等諸味本故。

然亦有二。一爲開漸之本。出現品云。如日初出。先照高山故。

出現品云等者。彼文云。譬如日出。先照須彌山等。諸大高山。次照黑山。次照高原。然後普照一切大地。日不作念。我先照此。後照於彼。但以山地有高低。故照有先後。如來應正等覺。亦復如是。成就無

邊法界智輪。常放無碍智慧光明。先照菩薩摩訶薩等。諸大山王。次照緣覺。次照聲聞。次照決定善根衆生。隨其心器。示廣大智。然後普照一切衆生。乃至邪定。亦皆普及。爲作未來利益因緣。今成熟。而彼如來。大智日光。不作是念。我當先照菩薩。大行。乃至後照邪定衆生。但放光明。平等普照。無礙無障。無所分別。釋曰。始成便說華嚴。是照菩薩山王。此明先大後小。

二爲攝末之本。如日沒時。還照高山故。

二爲攝末之本者。於中二。初標名華嚴。未有未

撰述
華嚴疏證卷一
之可攝。以法華攝末歸本。歸華嚴故。故爲本也。言如日等者。後義證。取出現經意。以證而無此文。卽是法華所明。先小後大。及三時五時之教。後後勝於前前。法華涅槃唯明一極。爲照菩薩。

無不從此法界流。無不還歸此法界故。

無不從此下。三雙證上二。先引攝論。後引法華。初引攝論。從法界流。卽證開漸之本。無不還歸此法界故。卽證攝末之本。此以義證教。謂論所明報化身等。皆從法身生。還歸於法身。法身等卽義。今以法身類於華嚴。故云以義證教也。

法華亦云。始見我身。聞我所說。卽皆信受。入如來慧。此漸本也。次云。除先修習學小乘者。卽開漸也。又云。我今亦令得聞是經。入於佛慧。卽攝末歸本也。

法華亦云下。引法華證。故下吉藏引此立三種法輪。第一名根本法輪。第二名枝末法輪。第三名攝末歸本法輪。文中便引便釋。三節具也。

斯則法華亦指此經以爲本矣。

斯則下。二結成本義。若自立爲本。恐義未明。法華指此爲本。本義方顯。始見入於佛慧。旣卽華嚴。亦令得聞法華。入於佛慧。豈非指初爲本。又法華第

撰述
華嚴玄義卷一
三
一云於一佛乘分別說三亦是從本流末卽指華嚴爲一佛乘分別說昔之三三卽鹿野四諦等若

不指華嚴爲本鹿野之前以何爲一乘耶
五顯果德者謂此本法中顯佛勝德令諸菩薩信向證故不識寶玉不得其用不知此德安能仰求

五顯果德者疏文分二初總明大意有法喻合可知

然果德有二一依果謂華藏世界海等二正果如來十身等此二無礙以爲佛德

然果德有二下開章別釋於中亦二先正釋可

知

然依正無礙通有六句一依內現依如塵中刹海二正內現正如毛孔現佛三正內現依四依內現正五依內現依正六正內現正依其文非一

後然依正無碍下融通於中三初約用互在以明六句次約體相相卽以明四句後隨舉一門下雙結體用

今初言然依正無礙通有六句至其文非一者約用也初二指事令曉餘但列名然卽相入相在之義義分齊中廣明而相入各有分圓若約圓說應

言利中有利。今欲顯勝舉塵毛之分。以攝利身之總也。言其文非一者。謂第六經法界普明慧菩薩偈云。佛刹微塵數。如是諸國土。能令一念中。一一塵中現。卽第一句依中現也。成就品云。一微塵中多刹海。處所各別悉嚴淨。如是無量入一中。一一區分無雜越。亦第一句也。現相品云。如來一一毛孔中。一切刹塵諸佛坐。菩薩衆會共圍遶。演說普賢之勝行。卽第二句正內現正也。廻向品云。一一毛孔中悉明見。不思議數無量佛。一切毛孔皆如是。普禮一切世間燈。僧祇品云。於一微細毛端處。

有不可說諸普賢如一毛端一切爾。如是乃至徧法界。皆第二句也。又云。於一微細毛孔中。不可說刹次第入。毛孔能受彼諸刹。諸刹不能遍毛孔。卽第三句正內現也。現相品云。如來安坐菩提座。一毛示現多刹海。一一毛現悉亦然。如是普周於法界。亦第三句也。第五經普賢偈云。如於此會見佛坐。一切塵中悉如是。佛身無去亦無來。所有國土皆明現。卽第四句依內現正也。現相品云。一切刹土微塵數。常現身雲悉充滿。普爲衆生放大光。各雨法雨稱其心。亦第四句也。又云。一一塵中無

法華 卷之三 三

量身復現種種莊嚴利。一念沒生普令見獲無碍
意莊嚴者。卽第五句依內現依正也。僧祇品云。一
微塵中能悉有。不可言說蓮華界。一蓮華世界
中。賢首如來不可說。亦第五句也。世界成就品云。
一毛孔內難思利等微塵數種種住。一皆有遍
照尊。在衆會中宣妙法。卽第六句。正內現正依也。
現相品云。一切諸佛土。一一諸菩薩。普入於佛身。
無邊亦無盡。成就品云。一切刹土入我身。所在諸
佛亦復然。汝應觀我諸毛孔。我今示汝佛境界。皆
第六句也。

又有四句。一或唯依佛卽刹故。二或唯正刹卽佛身
故。三俱。四泯。思之可知。

又有四句等者。第二約體相相卽。明四句也。相卽
互亡。故無有六。一佛卽刹者。佛體卽是法性土。廢
已從他。佛體虛故。土外無佛。法性無二故。二刹卽
佛者。刹體卽是法性身故。廢他從己。刹體虛故。佛
外無刹。法性無二故。由性無二。以性融相。故身刹
相卽。三俱者。謂有身有土。不壞相故。若無身土。無
可相卽。故四泯者。謂佛卽刹。故非佛。刹卽佛。故非
刹。以互奪故。

隨舉一門。卽攝一切。並如下說。

隨舉一門者。三雙結體用。以卽入二門。無二體故。體外無用。唯相卽故。用外無體。唯相入故。如無鏡外之明。明外之鏡。故言並如下說者。卽指義分齊中。

六彰地位者。爲顯菩薩修行佛因。一道至果。有階差故。

六彰地位者。疏文二。初總彰大意。後開章別釋。前中二。先順明來意。

夫聖人之大寶曰位。若無此位。行無成故。

後夫聖人下。立理反成。聖人之大寶曰位者。卽周易下繫云。天地之大德曰生。聖人之大寶曰位。注云。夫無用。則無所寶。有用。則有所寶也。無用而常足者。莫大乎道。有用而弘道者。莫大乎位。故云。聖人之大寶曰位也。言若無此位。行無成者。卽反成須位也。

此亦二種。行布門。立位差別故。

此亦二種下。二開章別釋也。於中三。一。正釋。

二。會融。三。引證。

初中。先釋行布。言行布者。行列分布。階降淺深。如

第二會明信。三明在。四明行。五明向。六明地。七明等妙。前非是後。後非是前。故言行布。

一圓融門。一位即攝一切位故。一一位滿。即至佛故。後釋圓融。言圓融者。圓滿融通。疏釋有二。初正

釋。二引證。

前中自有二義。一者疏云。一位即攝一切位故者。此總辨相攝。謂四十二位之中。隨舉一位。即攝一切。如初發心在。即攝餘九任。及行向地等。二者疏云。一一位滿。即至佛故者。此別明五位互攝。如初任攝於初行。初廻向。初地。第二任。攝第二行。第二

廻向。第二地等。第十任滿。則攝十行滿。十向滿。十地滿。第十任滿。稱灌頂位。第十地滿。亦灌頂成佛。十行智度圓。十地智度滿。海幢比丘頂出諸佛說法。灌頂任後。即明佛者。即其事也。前唯約理行圓融。此兼明行證相似。

初地云。一地之中。具攝一切諸地功德。信該果海。初發心時。便成正覺等。

初地云下。二引證也。文有三節。一云。一地之中。具攝一切諸地功德者。此約當位之中。自一攝十也。以一例諸位位皆然。上正引文。○二云。信該果海。

者。此明五位互攝。如賢首品中。乃至則得灌頂而昇位等。此卽義引爲證。○三。初發心時。便成正覺者。正明以初攝後。通於二義。若住滿成佛。卽是當位。以初攝後。若究竟成佛。卽異位相望。以初攝後。如四十二字門。初阿具後茶也。上來總有三義。一。舉一總攝五十二位。二。舉一位攝五位。三。舉初攝後。復應有以。後攝初。初後攝中。中攝初後。一攝一切。一切攝一。一攝一。一切攝一切。如理思之。上云。初發心時。便成正覺。卽是正引經文。梵行品云。若諸菩薩。能與如是觀行相應。於諸法中。不生二解。

一切佛法。疾得現前。初發心時。卽得阿耨多羅三藐三菩提。知一切法。卽心自性。成就慧身。不由他悟。今畧引耳。

然此二無礙。以行布是教相施設。圓融是理性德用。然此二無礙下。二會融也。於中二。初辨定其相。二。正明會融。

前中有二對。行布圓融。以教對理。以相對性。下正圓融。但融性相。初對謂約能詮教道。則行布不同。約所詮之理。則圓融無礙。第二對就所詮中。約相則深淺不同。約性則融通無二。言德用者。卽德相。

業用也。

相是卽性之相故。行布不礙圓融。性是卽相之性故。圓融不礙行布。圓融不礙行布故。一爲無量。行布不礙圓融故。無量爲一。無量爲一故。融通隱隱。一爲無量故。涉入重重。

相是卽性之相故下。二。正明會融。文有三番。第一番直明無礙。第二番更互相成。謂無量本是約相行布。圓融本是一理平等。今圓融旣不礙行布。故成無量之德。下句反此可知。第三番從無量爲一故。融通隱隱下。明相成而不失本相。無量爲一故。

融通而不失本相。故隱隱然似有一。爲無量故。重重不失一相。故能涉入。

故世親以六相圓融。上下之文非一。

故世親下。第二引證。此引論證。卽總同成別異壞。由此故得舉一全收。至下廣明。次云。上下之文非一者。雙引經疏。若望經則唯是下文。若望疏文。通指一經上下耳。

大方廣佛華嚴經疏演義鈔卷第二

第二十三紙

第十四行成就品云下南巖一切塵
中難思刹隨衆生心普現前一切刹
海靡不周如是方便無差別
又此六句每句二得前四句每一得
一結皆書冊并北巖稷字函有南巖
每句總結

信士願言行自捨并領袖刻此玄談二卷

上訓無始諸恩下除多生二障者

遇緣張士元楊雲路仝領袖均助圓滿福利

齊沾士元子應韶同增吉慶

大方廣佛華嚴經疏演義鈔卷第二下

清涼山大華嚴寺沙門澄觀撰述

七說勝行者欲登妙位非行不階故君子不患無位

患已不立

七說勝行者疏文亦二 先明大意 後開章解

釋。

前中初二句依內教正釋。後二句引外事證成。見
論語。彼下文云不患莫已知。求為可知也。包氏注
曰求善道而學行之則人知己。今引證此求為可
知。及所能立皆是行也。上兩句行成得位。下兩句

行成得名。今爲證位。故但引前耳。
行亦二種。一頓成諸行。一行一切行。

行亦二種下。開章釋也。先釋。後融。前中明

頓成中。先正明。

故十住品云。一卽是多多卽一等。普賢行品說。一斷一切斷等故。

故十住下。後引證。言一斷一切斷等者。等取一障一切障。一修一切修。一證一切證。故普賢行品。初說十句。若成此十。則頓成五十種行。一念嗔心起。百萬障門生。故偈中云。不可說諸劫。卽是須臾頃。

莫見修與短。究竟利那法。皆以圓融故。妙嚴品云。一法門中無量門。無量千劫如是說。所演法門廣大義。普運光天之所了。

二徧成諸行。此卽行布。謂自大菩提心體相功德。乃至等覺中行。

二徧成諸行下。釋行布。從始迄終。故云乃至。則五位所行皆此攝也。菩提心爲始。體卽三心。謂一。直心。正念真如法故。二。深心。樂修一切諸善行故。三。大悲心。救護一切苦衆生故。七十八經云。菩提心燈。大悲爲油。大願爲炷。光照法界。光卽直心。炷卽

撰述
垂胤之說卷一
三
深心。油卽大悲心。多以三心爲體。上求下化。照理起行。不出此故。言相者卽無相爲相。同法界相。無分量相。無齊限相也。言功德者。無德不收。故發心品十種大喻。百門校量。亦不及少分。七十八一卷。廣以喻歎。亦不能盡。賢首品云。若有菩薩初發心。誓求當證佛菩提。彼諸功德無邊際。不可稱量。無與等。發心品云。發心功德不可量。衆智共說。無能盡。又云。菩薩發心功德量。億劫稱揚不可盡。以出一切諸如來。獨覺聲聞安樂。故等。皆發心功德也。又云。欲見十方一切佛。欲施無盡功德。藏欲滅衆

生諸苦惱。宜應速發菩提心。此上三事。皆是菩提心。爲萬行之本。故首明之。卽此發心。便名爲行。此二無礙。例如位說。

此二無礙下。第二會融可知。

八。示眞法故者。欲成行位。須解法理。不體理事。行亦非眞。故兜率偈云。不了法眞實。故諸佛興世。此亦二種。一顯事理無礙法。二顯事事無礙法。並如義分齊說。

八。示眞法下二。先總明。此亦二種下別釋。文含多義。不異義分齊中。教因總該。故此畧舉。義深

撰述
理要。故別爲一門。

九開因性者。謂上因果理事。皆由衆生性有。若性非金玉。雖琢不成寶器。

九開因性者。文亦二。先總。後別。總中。先躡前起後。

良以衆生包性德而爲體。依智海以爲源。但相變體殊。情生智隔。今令知心合體。達本情亡。故談斯經。以爲顯示。

後良以下。總相解釋。於中有三。初明因義。本有恒沙性德。本覺佛智。無二體故。以此爲因。○二。但相

變下。覆彼因義。是須開示。所以相變體殊者。迷真如以成名。相故。情生智隔者。失正智而成妄想。故上對約境。下對約心。五法具矣。○三。今令下。正明開善。知心空寂。則名相泯。而真體合。達本無住。則妄想亡。而正智生。真本不可以功成。要亡功而本。就深源。不可以行得。必行盡而源成。若寂照雙流。則因性開矣。性卽知見。知見性相。並皆顯現。故談已下。結成開義。

亦有二種。一。以言顯示。令其知有。二。使其修行。悟入顯現。

撰述
華嚴文疏卷二
亦有二下別釋。以言顯示。令其知有者。唯明二義。如示貧女宅中寶藏。未見未證。使其修行。義通開示。不知今知。名之爲悟。未證能證。稱之爲入。顯現之言。對於開義。

如下破塵出經卷等。

如下破塵下。引證。下經云。如有大經卷。量等三千界。在於一塵內。一切塵悉然。有一聰慧人。淨眼悉明見。破塵出經卷。廣饒益衆生。佛智亦如是。遍在衆生心。妄想之所纏。不覺亦不知。諸佛大慈悲。令其除妄想。如是乃出現。饒益諸菩薩等。卽其義也。

亦如法華經云。唯以一大事因緣故。出現於世。所謂開示悟入佛之知見。衆生等有。故言唯一。

言唯以一大事因緣故者。卽引他經。大乘法師但云。事物體事。事義道理。隨應皆得。今畧釋之。無二無三。故名爲一。佛因佛果。故稱爲大。因果幹能。令物解脫。並稱爲事。言因緣者。如來因此緣此。故出現耳。又因緣者。屬於大事。正因佛性爲因。緣因佛性爲緣。了因所了爲因。生因所生爲緣。斯則大事通因通果。因緣但語於因。因卽種性之義。故彼經云。佛種從緣起。萬行爲緣起。斯佛種成菩提故。

撰述
華嚴文義卷一
言所謂開示下。義引彼經。具云。舍利弗。云何名諸佛世尊。唯以一大事因緣故。出現於世。舍利弗。諸佛世尊。欲令衆生開佛知見。使得清淨故。出現於世。欲示衆生佛之知見故。出現於世。欲令衆生悟佛知見故。出現於世。欲令衆生入佛知見道故。出現於世。廣釋如別。畧釋如下。○言衆生等有。故言唯一者。隨難唯解一字耳。

十。利今後者。既等有其分。故廣利無邊。

十一。利今後者。文中亦二。先躡前總辨。

此亦二種。一。利今。卽佛在當機。二。利後。卽今之聞見。

發心品云。我等諸佛。護持此法。令未來世。一切菩薩未曾聞者。皆悉得聞。

後此亦下。開章別明。文分爲三。初約時分。二。可

知。次此益復。二下。約行分。二。後又此利益下。

對前辨異。

此益復。二。一。令得見聞爲堅種故。出現品云。如人食少金剛。終竟不銷等。

二中疏云。終竟不銷等者。等取餘句。餘句云。要穿其身。出在於外。何以故。金剛不與肉身雜穢而同止故。於如來所。種少善根。亦復如是。要穿一切有。

爲諸行煩惱身過。到於無爲究竟智處。何以故。此少善根。不與有爲諸行煩惱而共住故。

二令起行成證入故。出現又云。設有菩薩無量百千億那由他劫。行六波羅蜜。修習種種菩提分法。若未聞此如來不思議大威德法門。或時聞已。不信不解。不順不入。不得名爲真實菩薩。以不能生如來家故。若聞此法。信解隨順悟入。當知此人。生如來家乃至深入如來無礙境界。

二令起行成證入故下文二。初正釋。二釋成。今初疏云。乃至深入如來等者。中間經云。隨順

一切如來境界。具足一切諸菩薩法。安住一切種智境界。遠離一切諸世間法。出生一切如來所行。通達一切菩薩法性。於佛自在。心無疑惑。住無師法。深入如來無礙境界。故云乃至。

良以有作之修。多劫終成敗壞。無心體極。一念便契佛家。賢首品云。十刹塵數如來所。悉皆承事盡一劫。若於此品能誦持。其福最勝過於彼等。

良以有作下。二釋成。

又此利益。別對前九。成十種益。謂一聞法爾。則知常徧成見聞益。二聞本行願。學佛發興。成發心益。三聞

撰述
機感。知法由善起。成造修益。四聞爲本。知其義圓。成頓得益。五聞果德。則信樂願齊。成滅障益。六聞位。期心證入。成攝位益。七聞行。發意修行。成起行益。八聞法。決須解了。成稱性益。九聞因。知一切皆同。成轉利益。十總具前九。成速證益。故前九因。皆爲今益。

又此利益下。對前辨異。所以辨異者。亦爲揀濫。故以利今後義。似順機感。機感亦有二世機故。故上又明約行分二。已是異前。但約時故。又順機多約於所利益。多約於能。又順機。但是別義。利益通於十義。卽總別之異。故對前九。別成斯十益也。於中

二。先別對前。後亦可已下。通申本義。

今初。此十種益。出於旨歸。但次第不同耳。彼次第云。一。見聞益。二。發心益。三。起行益。四。攝位益。五。速證益。六。滅障益。七。轉利益。八。造修益。九。頓得益。十。稱性益。此依從淺至深。自利利他等而爲其次。今疏順前九門。展轉相生。後能成前。以爲次第耳。然見聞等。實通十因。欲顯別義。隨便逐勝。以別配耳。○一。以法爾常說。徧說便能觸目對境。一切時中。常如法見。所引經文。如前總中。又出現品云。佛子。譬如雪山。有藥王樹。名曰善見。若有見者。眼得清

淨。若有聞者。耳得清淨等。佛子。如來應正等覺。無上藥王。亦復如是。能作一切。饒益衆生。若有得見。如來色身。眼得清淨。若有得聞。如來音聲。耳得清淨等。又云。佛子。我今告汝。設有衆生。見聞於佛。業障纏覆。不生信樂。亦種善根。無空過者。乃至究竟。入於涅槃。上雖明見佛。佛是華嚴佛故。舌根嘗法味故。賢首品云。此法希有甚奇特。若人聞已能忍。可能信。能受。能讚說。如是所作。甚爲難等。兜率偈讚品云。設於念念中。供養無量佛。未知眞實法。不名爲供養。若聞如是法。諸佛從此生。雖經無量苦。

不捨菩提行。一聞大智慧。諸佛所入法。普於法界中。成三世導師。明知見聞。其益深矣。○言發心益者。若不聞此。不能發心。設有發心。不得尊勝。以初發心時。便成正覺故。如前引。○言造修益者。謂聞此普法。便能造修一行。一切行故。如前引。出現品云。多劫修行。不聞此法。非眞修故。○言頓得益者。如下六千比丘。言下獲於十眼。善財童子。一生能圓諸位。法界品初。菩薩頓證等。並如教迹中引。○言滅障益者。卽一斷一切斷。如隨好品。天鼓教。以等法界三業悔過。結云。若如是知。是眞實懺悔。一

撰述
華嚴玄談卷二
一切罪惡悉得清淨。說此法時。百千億那由他佛刹。微塵數世界中。兜率陀諸天子。得無生法忍。又諸天子。以香花等供佛而成大蓋。又云。其諸香雲。普雨無量佛刹微塵數世界。若有衆生。身蒙香者。其身安樂。譬如比丘。入第四禪。一切業障。皆得消滅。若有聞者。彼諸衆生。於色聲香味觸。其內具有五百煩惱。其外亦有五百煩惱。貪行多者。二萬一千。瞋癡等分亦然。了知如是。悉是虛妄。如是知已。成就香幢雲自在光明清淨善根等。皆滅障益也。○言攝位益者。如前位中具明。○言起行益者。如普

賢行品云。菩薩摩訶薩。得聞此法。少作方便。疾得阿耨多羅三藐三菩提。以一行一切行故。如前行中具引。○言稱性益者。謂依此普法。一切衆生。無不皆悉稱其本性。佛果海中。舊來益竟。故出現品云。如來成正覺時。於其身中。普見一切衆生成正覺。乃至普見一切衆生入涅槃。皆同一性。所謂無性。若不稱性。豈得然耶。○言轉利益者。如第一重地獄天子得益竟。展轉成三重之益。後二卽轉利益也。如上滅障卽第二重。亦是轉利益。所望處別。故爲滅障。第三重云。若有衆生。見其蓋者。種清淨

金網轉輪王位。一恒河沙善根。佛子。菩薩住此轉輪王位。於百千億那由他佛刹。微塵數世界中。教化衆生。乃至云。若有躉得遇斯光明。必獲菩薩第十地位。以先修行善根力故。皆轉利益。○言速證益者。如前教迹中。一生圓曠劫之果中辨。○言故前九因。皆爲今益者。結也。

亦可前一一門。皆成十益。可以意得。

亦可前一一門。皆成十益者。此第二意。却是正意。上但隨宜耳。

因上十義。故此教興。發心品中。有十所因。彼云。以佛

神力故。世尊本願力故等。因緣相叅。對會因緣。可以意得。

因上十義。故此教興下。第三結屬會釋也。此上結屬。下會釋經文。彼經具云。其說法者。同名法慧。悉以佛神力故。世尊本願力故。爲欲顯示佛法故。爲以智光普照故。爲欲開闡實義故。爲令證得法性故。爲令衆會悉歡喜故。爲欲開示佛法因故。爲得一切佛平等故。爲了法界無有二故。說如是法。十因舉二。故有等言。言因緣相叅者。神力是緣。餘皆是因。故云相叅。今畧舉二。卽有因緣。以疏對彼。因

緣易知。故云可以意得。

第二明說經緣者。一切經首說時方人等。皆是緣起。

第二明說經緣等者。疏文分二。先引例總明。後開章別釋。

前中。謂六成就中。信聞二種。屬於阿難。在佛滅後。結集時安。不爲經緣。餘四成就。爲經緣起。說必依時。要有方處。人通說聽。卽佛及衆。四義足矣。問。智論云。說時方人。令生信。故何以今言爲緣起耶。答。六中初二。唯屬證信。後四義有兩兼。阿難引之。爲生物信。當時無此。教不得興。故爲緣起。今十緣中。

具有此四。

今有十緣。一依時。二依處。三依主。四依二昧。五依現相。六依說者。七依聽者。八依德本。九依請者。十依加者。

今有十緣下。開章別釋。中二。先列。後釋。

先列可知。今初依下。釋。疏文分四。一。大意。

二。開章。三。融會。四。廣如旨歸一句。出法源。

今初依時。夫心冥至道。則渾一古今。法界無生。本亡時分。下經偈云。如來得菩提。實不繫於日。

大意中二。先拂迹顯實。後就德顯圓。

撰述
華嚴文談卷一
前中言夫心冥至道則混一古今者此約人顯實
心與理冥契則無古今之相故肇公云古今通始
終同窮本極末浩然大均生公法華疏云古亦今
也今亦古矣○言法界無生等者約法顯實也有
生則屬三世便即有時無生則無三世刹那安有
時分故出現品云真如離妄恒寂靜無生無滅普
周徧等○言下經偈云下引經證畧舉人證耳卽
兜率寶幢偈也彼具云衆生如是說某日佛成道
如來得菩提實不繫於日法界品云菩薩智輪遠
離一切分別網超越一切障礙山不可以生死長

短染淨劫數顯示等其文非一。

況無涯之說念劫圓融哉。

況無涯之說等者第二就德顯圓無涯之說豎約
長時故旨歸云常恒之說前後際而無涯念劫圓
融者約一念卽不可盡一念卽無量劫無量劫卽
一念等故云爾也一念卽多劫何定時之長短哉
今以無時之時畧顯十重特別。

今以無時之時畧顯十重特別者此下第二開章
解釋也就中三。

初上二句標。次初唯下釋。後於前下結。

撰述
華嚴玄談卷二
初唯一念。二盡七日。三徧三際。四攝同類劫。五收異類劫。六以念攝劫。七劫念重收。八異類界時。九彼此相入。十以本收末。謂以非劫爲劫故。

二釋初唯一念者。謂於一剎那。頓徧無盡之處。說無邊法。二盡七日者。謂初成道。一七日中。自受法樂。第二七日。頓說此經。言三徧三際者。謂盡前後際。各無邊劫。常恒徧演說此經。初無暫息。上三易故。疏但列名而已。言四攝同類劫下。以義稍隱。故並加字。旨歸但云。四攝同類。五收異劫。六念攝劫。七復重收。八異界時。九彼此相入。十以本收末。

今加一字。義則易見。故並不釋。唯釋第十耳。○攝同類劫者。於前無邊劫。各攝同類。如長劫唯攝長劫。短劫唯攝短劫等。○五收異類劫者。謂長劫攝短劫等。○六以念攝劫者。於一念中。卽攝無邊同異類劫。念念皆爾。○七劫念重收者。此上念念所攝劫中。各以念成彼一一念。亦各攝諸劫。是則念念旣其不盡。劫亦復無窮。如因陀羅網。重重無盡也。○八異類界時者。上之七重。且約一類世界。如今娑婆一類。今辨樹形江河形等。無邊異類之剎。剎旣同處。而有不同時。亦同時而各別分齊。盡

撰述
聖嚴玄談卷二
地
彼時分常說此經。○九彼此相入者。卽彼異類界所有時劫亦各別相收。或同異類界時互相攝入。若念若劫。重重無盡。同前四五六七。於彼諸時常說此經。○謂以非劫爲劫者。第十難見。故以此句釋之。以非劫爲本。劫卽爲末。言非劫者。離分限故。如華藏世界。以非劫爲劫。劫卽非劫。念等亦爾。以時無長短。離分限故。以染時分說彼劫故。以時無別體。依法上立。法旣融通。時亦隨爾。故離世間品云。菩薩摩訶薩。知一切劫卽是非劫。而眞實說一切劫數。是爲第六無等住。故云非劫爲劫。

於前十時恒演此經。

三結於此無量時劫常說華嚴。

又此十種隨一圓收。

又此十種者。此下第三融會也。於中三。初又此二句正融會也。

依此說時則無始終。

二依此說時下。通妨難。此上牒疑情。旣無始終。何有初成之始。九會之終。

亦隨見聞說初成等。如前法爾中辨。

亦隨見聞下會釋也。疏指前通。又此一部卽是無

撰述
華嚴玄談卷二
邊法海。以下皆結通。無分齊故。一部卽是一切說故。

若依此時。則迥異餘教。而餘教時。不出於此。或說三七六七等。隨見聞故。

若依此時下。三顯勝能於中又三。初揀他顯勝。

○次而餘教下。會他顯勝。○後或說下。再通妨難。難云。彼有三七等殊。云何不出於此。故今通云。皆是此經之時。隨見聞故。

廣如旨歸。

廣如下。四出法之源。

第二依處者。夫智窮真際。能所兩忘。假說依真。而非國土。

第二說經處。疏文有四。第一總彰大意。第二敘昔順違。第三有數圓融。第四別明處異。

初中有三。初拂迹顯實。二融通顯圓。三依義建立。

今初至而非國土。卽拂迹顯實。謂既亡能所。何有能依之佛。所依之處。普賢三昧品云。普賢身相如虛空。依真而住。非國土。猶是假說。以真無能所。無可依故。

況利塵卽入。染淨叅融圓滿教之普周。難以分其處別。

況利塵卽入下。第二融通顯圓。無能所依。尚通實頓二教。實教頓教。尚離處所。況於圓教耶。利塵卽入。卽下通局交徹二四句。染淨叅融。卽下淨穢無礙二四句。圓滿教下。總結難思。

然真非事外。不壞所依。以上無時之時。徧此非處之處。

然真非下。第三依義建立不壞相故。不妨立時。然旨歸約處。先已有依此說經。後辨其時。疏家欲順六成就之次第。故先明時耳。

然有言此經在穢土說。居摩竭等故。有二處淨土說在華藏故。有二種身土。無定異處。卽於一處見聞異故。

然有言下。第二敘昔順違。於中二。先正敘。後上之下。決斷。

前中。第一師云。旣七處九會。人三天四。並居娑婆欲界之中。明是穢也。第二師云。說此經時。華藏世界。六種震動。又言其地堅固。金剛所成。娑婆土石諸山。豈得將此爲穢。第三師但合上無礙。謂感娑

一撰述
華嚴文疏卷二
婆者對華藏而見娑婆。感華藏者對娑婆而見華藏。亦如螺髻所見自在天宮。身子所見丘陵坑坎。華藏品云。譬如見導師。種種色差別。隨衆生心行。見諸刹亦然。

上之三義。後一近宗。

後決斷言。後一近宗者。且知刹該淨穢。卽二四句中之一句。未窮玄妙。故云近宗。

然說此經處。淨穢無礙。通局交徹。各二四句。

然說此經處下。第三句數圓融。於中有三。一。雙標。二。雙釋。三。以麤例細。初標可知。

初淨穢中。謂或唯染。或唯淨。如前二義。或俱。華藏內娑婆故。或泯。染淨相盡。同一法界故。

初淨穢中下。二。雙釋。先釋染淨二四句。前一四句。以本刹末刹相望。成四句。華藏爲本刹。世尊修因所嚴淨故。刹種所持世界爲末刹。應衆生有故。然末刹則狹。本刹則寬。末通淨穢。本刹唯淨。若寬狹相望。自屬通局。今論淨穢故。但取末中染刹。前二句可知。第三句雙明本末。故得稱俱。不同前二。說華藏。卽不言娑婆。說娑婆。卽不論華藏。今要明華藏之內娑婆。如一莊嚴城中。舉一小室耳。上三皆

約事明。第四句唯約理說。若理事相望。則前三句皆末。第四句獨爲其本。故華藏品云。華藏世界海。法界等無別。莊嚴極清淨。安住於虛空等。

又或唯染。摩竭等覆淨相故。或唯淨。其地金剛。染相盡故。或俱。隱顯無礙故。或俱非。各相形奪。二相盡故。又或唯染下。第二四句。隨取一刹。卽有四句。不論本末染淨。今正約娑婆染刹上論四句也。卽前三約淨穢虧盈。後一約相盡理現。若約機說者。染就劣機見故。淨就勝機見故。俱約二人同見。故刹體自在故。俱非約頓機故。亦唯約體故。

次明通局交徹。二四句者。

次明通局。二四句等者。先標。後釋。

謂或局此一界故。或通該十方故。或俱。卽此卽遍。故或泯。二相盡故。

後釋中。前四句約一重平漫以論。後四句約

重重相攝以說。又前四約以人望處論通局。

後四唯約說處論通局。

前中。初二句唯約相說。一謂此界七處說經。二謂十方諸刹齊說。三以相隨性故。卽一能徧。如光明覺品。彼云。如此處見佛。世尊坐蓮華藏師子之座。

十方一切諸世界中。各有百億閻浮提。百億如來亦如是坐。此明一會卽徧一切。非是彼處各別有佛。四卽歸理平等。

又或局此界攝一切故。或通此入一切故。或俱卽攝卽入故。或泯形奪相盡故。

後四句中。初一約廣容門。事合於理無礙故。令一界卽理能攝一切。二約普徧門。事如理徧。令此一界隨所依理。入一切刹。三廣容卽普徧故。正攝之時。便能徧入。於此二門無異體故。四泯同平等門。法界之中。俱不可得故。

又以一塵例刹。亦有四句。可知。

又以一塵下。三以麤例細也。引文如前。依正融通中說。

若從狹至寬。畧顯十處。

若從狹至寬。畧顯十處下。第四別明處異中。文分爲六。一標數。二初此下。別釋。三然上下。總結。四然說十住下。釋妨。五十餘佛同者下。隨難重釋。六又上十處下。總融十義。初標數。可知。

初此閻浮七處九會而周法界。如昇須彌品。一周百

撰述
華嚴文談卷二
異
億同類一界。亦徧法界。如光明覺品。三徧異類樹形等刹。四徧刹種。五徧華藏。六徧餘刹海。若種若刹。七徧前六類刹塵。皆有同異類刹。八盡虛空界。容一一毛端之處。各有無邊刹海。九猶帝網。十餘佛同。

二中。然其十名。與旨歸小有不同。旨歸云。初此閻浮。二周百億。三盡十方。四徧塵道。五通異界。六該刹塵。七歸華藏。八重攝刹。九猶帝網。十餘佛同。今疏所以不同彼者。以歸華藏。卽前染淨無礙。故不立之。故旨歸文云。事盡理現。染相盡故。其該刹塵。與徧塵道。並皆是塵。故第七中攝。八重攝刹者。亦

明華藏中塵。一一攝餘刹海。亦不異於第六刹塵。故並畧之。而加四五六以成十義。彼三卽此八。彼五卽此三。此亦賢首畧疏之中。光明覺品中意。參而用之耳。○言如昇須彌品者。此文爲證七處。而周法界之言。文云。爾時世尊。不離一切菩提樹下。而上昇須彌。向帝釋殿。下云。十方世界。悉亦如是。法慧偈云。一切閻浮提。皆言佛在中。我等今見佛。住於須彌頂。十方悉亦然。如來自在力。皆徧法界之文也。七處皆爾。文中但三賢三天。言不起。而徧義如下疏。○言如光明覺品者。此證百億徧法界。

撰述
法界皆有同類一界。言同類者。同有須彌大海鐵圍四洲二十八天。各有百億。故名同也。故彼經云。如是無數無量無邊無等。不可數不可稱。不可思不可量。不可說。盡法界虛空界。所有世界南西北方四維上下。亦復如是。彼一一世界中。皆有百億閻浮提。乃至百億色究竟天。其中所有。悉皆明現。彼一一閻浮提中。悉見如來坐蓮花藏師子之座。十佛刹微塵數菩薩。所共圍繞。揀唯閻浮。故云百億。揀下異類。故云同類一界。○言三徧異類樹形等刹者。上二皆畧釋。下八唯列名而已。而言等者。

等取江河迴轉形等。經列二十形。結有不可說不可說。佛刹微塵數異類。一一流類。皆徧十方虛空法界。與前須彌界等。互不相礙。各於其中。轉斯法輪。○言四徧刹種者。向明異類。且舉百億中異類。故今方明刹種。然異類言。雖通華藏。言總意別。而言徧刹種者。即取最中無邊妙華光香水海中。普照十方熾然寶光明世界種。其中攝二十重佛刹微塵數。結有不可說佛刹微塵數世界。於中布列。今遮那亦徧其中。○言五徧華藏者。謂徧華藏一界。有前十不可說佛刹微塵數世界種。既皆如來

修因之所嚴淨。故常處其中而演說法。○言六徧
餘刹海若種若刹者。卽華藏之外十方無間。窮盡
世界之刹海。例如華藏也。如第六卷現相品說。華
藏世界海東。有世界海。各清淨光蓮華莊嚴。南名
一切寶月光明莊嚴藏。西名可慶樂寶光明。北名
毘瑠璃蓮華光圓滿藏。東北名閻浮檀金玻璃色
幢。東南名金莊嚴瑠璃光普照。西南名日光徧照
西北名寶光照曜。下方名蓮華香妙德藏。上方名
摩尼寶照曜莊嚴。結云十億佛刹塵數等是也。○
言七徧前六類刹塵者。前之六段。各是一類。此上

諸刹。皆以塵成。一一塵中。皆有佛刹。如來於彼塵
內刹中說經。故華藏品云。華藏世界所有塵。一一
塵中見法界。法界尚見。何況刹耶。又云。一一塵內
難思刹。隨衆生心各別住。又云。如於此會見佛坐
一切塵中。悉如是。其文非一。○言八盡虛空界。容
一一毛端之處。各有無邊刹海者。此不論成刹之
塵。但取容塵之處。兼於空矣。如二界中間。空無有
物。亦是容塵之處。今取徧法界虛空界。有刹無刹。
有塵無塵。但可容塵之處。卽有無邊同類異類。一
切刹等。如來於此常轉法輪。阿僧祇品云。一毛端

撰述 華嚴玄旨卷一 五三
處所有利。其數無量不可說。盡虛空量諸毛端。一處利悉如是。彼毛端處諸國土。無量種類差別。有不可說異類利。有不可說同類利。不可言說毛端處。皆有淨利不可說。種種莊嚴不可說。種種奇妙不可說。如是等文。其證非一。而言於中說法者。彼次頌云。於彼一一毛端處。演不可說諸佛名。出妙音聲不可說。轉正法輪不可說。於彼一一法輪中。演修多羅不可說。於彼一一修多羅。分別法門不可說。於彼一一法門中。又說諸法不可說。於彼一一諸法中。調伏衆生不可說等。○言九猶帝

網者。彼一一微塵。既各攝無邊刹海。卽此刹等。復有微塵。彼諸塵內。復有利海。是則塵塵不盡刹刹。無窮如帝釋殿網。重重重重。不可說其分量。而毘盧遮那。亦重重重重。無盡無盡。常演說法。○言十餘佛同。下文自釋。

然上十類。一一各徧法界。而前九正是遮那說法之處。

然上十類等者。第三總結也。由上十門。初二有徧法界之言。從三至十。皆畧此言。故今總結皆徧。

然說十住等處。雖復各徧法界。乃至塵毛。爲門不同。

亦無雜亂。

然說十住下。第四釋妨。謂有問言。若初利天說十住法。既徧虛空。周於毛道。未知夜摩天等。亦說十住不。設爾何失。二俱有過。若彼不說。則說處不徧。若彼亦說。處則雜亂。何以經中唯云。初利說十住法。夜摩天處說十行等耶。故爲此通。於中三。初總答前問。次重通再難。後一一會下。以一例餘。

初中卽隱顯門。一門顯時。餘門則隱。如以十住爲門。唯言十住徧。十行爲門。唯明十行徧等。故云爲門不同。亦無雜亂。

若約十住與十行等。全位相攝。則彼此互無。各徧法界。若約諸位相資。則彼此互有。同徧法界。

若約十住至彼此互有。同徧法界者。卽第二重通再難。謂更有問言。若約爲門。不同。爲互相見不。若相見者。還成雜亂。若不相見。何以知徧。今答此問。明有見不見。謂若約相卽。則不相見。若約相入。則許互見。言若約十住與十行等。全位相攝。則彼此互無。各徧法界者。是相卽門。謂若以十住攝於餘位。則唯有十住。餘位如虛空。以餘位廢已。同十住。

撰述
華嚴玄談卷二
五
故餘位亦爾。十住徧時。非十行等徧。故云。各遍法界。言若約諸位相資。則彼此互有。同徧法界者。是相入門。以約力用互資。不壞自他。如兩鏡相照。東鏡動時。鏡中之影亦動。故得同徧法界。而有主伴。故非雜亂。如十住爲門。帶十行等。同徧法界時。但名十住徧。不名十行等徧。若十行等爲門亦然。則有力能攝者爲主。無力彼攝者爲伴。前相卽門中。正十住徧時。不妨餘徧。但隱顯不同耳。十住徧時。十行等卽隱。十行徧時。餘隱亦然。依相卽門。亦名爲純徧。周法界塵毛。唯有十住等故。後相入門。亦

名雜門。以諸位一時相資徧故。則十住中有十行等。餘義至義分齊中廣辨。

一一會品。准此知之。

三以一例餘。

十。餘佛同者。此佛旣爾。餘佛例然。故諸會結通。皆云我等諸佛。亦如是說。

十餘佛同者下。第五隨難重釋。中二。先正顯同。後然王王下。釋通妨難。

前中。以豎窮三際。橫徧十方。佛佛德用。說法皆同。故故經云。三世諸佛。已說。今說當說。疏中引經。我

等諸佛亦如是說。卽橫論也。卽證法佛言也。十地經云。我不見有諸佛世界。彼諸如來。不說此法。卽金剛藏證法菩薩言也。

然主主不相見。伴伴不相見。主伴伴主。則互相見。若互不相見。卽各徧法界。互相見故。同徧法界。亦無雜亂。亦無障礙。

然主主下。二通難。謂有問言。餘佛說處。與遮那佛爲相見不。設爾何失。二俱有過。謂若相見。卽乖相徧。若不相見。卽乖主伴。故爲此通。謂見與不見。二義俱成。二互相見。主伴義成。見與不見。徧義皆成。

但各徧同徧。以爲異耳。文具四句。言主主不相見者。遮那爲主時。十方餘佛。但得爲伴。不得爲主。若餘佛爲主。遮那亦卽爲伴。不得爲主。故云。主主不相見。二伴伴不相見者。如諸佛爲遮那伴時。遮那更不得爲伴。故云。伴伴不相見。非謂彼諸伴佛。自不相見。言主伴伴主。則互相見者。卽第二第四句也。三主伴得相見者。如遮那爲主。見餘伴佛。伴佛亦見遮那故。四伴主相見者。如遮那爲伴。餘佛爲主。則得相見。然三四二句。義則不異。但約一人互通主伴。故成四耳。言無雜亂者。結爲門別故。言無

障礙者約常融攝故。

又上十處共為緣起舉一全收以一一處稱法性故。皆隨前一一時皆徧此諸處。又隨一一處皆具前時頓說此經。此猶約器世間說。若約智正覺及眾生世間。即一一佛身肢節毛孔皆攝無盡重重之刹。普賢眾生一一皆爾。並是遮那說經之處。

又上十處下第六總融十義於中分三。初正顯十義融通。○次而隨下對時顯處。○後此猶約下通顯甚深。謂上十重。但是器世間耳。未說佛毛及眾生毛孔中事。一一皆悉重重無盡。○言普賢

眾生一一皆爾者。普賢若望如來亦名眾生世間。若望眾生亦名智正覺世間。又舉普賢則攝一切菩薩也。

第三十三紙 第三行上對約境三句北藏覆字函及方冊有南藏無

第二十七紙 第十六行舌根嘗法味故句南藏無

第五十紙 第二行彼三即此八彼五即此三北藏覆字函及方冊有南藏少此十字

佛弟子嚴大叅捨資完此玄談二卷普願

法界眾生同證菩提者

大方廣佛華嚴經疏演義鈔卷第二



80 1 2 3 4 5 6 7 8 9 90 1 2 3 4 5 6 7 8 9 100 1 2 3 4 5 6 7 8 9

古眾果土同益普共音

對策于難大添分實天此支類二卷普顯

華正十殊對策于難大添分實天此支類二卷普顯



林皇果土亦各普五覺世間又眾普現顯一也
衆生一一普爾音普智普皇歌來亦各眾土耳聞



工

日 四

工
米